




10^{ESIMA} EDIZIONE



I giovani d'oghje, chì sò i citadini di dumane, devenu esse à capu di i fundamenti di a demucrazia.

A Cullettività di Corsica hè naturalmente purtata à impegnà si in stu sensu, è l'Assemblea di Corsica custituisce u spaziu civicu adattatu per sta “scola di a citadinanza” à a scala di tutta a Corsica.

Hè in stu spiritu chì u Retturatu d'Accademia, a Cullettività di Corsica è l'Assemblea di Corsica anu lanciatu u prughjettu “Assemblea di i Zitelli”, chì tenerà a so prossima edizione u 2 di ghjugu di u 2026.



TAVULA DI I MATERII

04 L'INTRUDUZIONE

05 U GRAN'PALAZZU

06 A STORIA

07 E CUMPETENZE

12 I MEZI È STRATEGIA

13 L'ASSEMBLEA DI CORSICA

18 U CUNSIGLIU ESECUTIVU DI CORSICA

20 U CUNSIGLIU ECONOMICU, SUCIALE,
CULTURALE È AMBIENTALE DI CORSICA

21 L'ASSEMBEA DI A GIUVENTÙ, A CAMERA
DI I TERRITORII & U CEPP

23 U LESSICU

L'INTRODUZIONE

Dapoi u 1982, a Corsica gode d'un statutu differente da quellu di l'altre regione.

Questa specificità s'hè tradutta per parechje riforme successive (1982, 1991, 2002).

In u 2014, l'Assemblea di Corsica hà aduttatu un raportu chì dumandava à u Guvernu di fusiunà a Cullettività Territoriale di Corsica (CTC) è i dui cunsiglii dipartimentali in una sola cullettività.

U scopu era di permette, à tutti i livelli, una più grande efficacità di l'azione publica è una presa in contu di i territorii è di a so pupulazione megliurata.

Di sta Issa fusione hè nata à a Cullettività di Corsica (CdC) u 1u di ghjennaghju 2018.

L'ORGANIZZAZIONE ISTITUZIONALE DI A CULLETTIVITÀ DI CORSICA HÈ ORIGINALE.

A CdC hè cumposta da cinque urgni :

- L'Assemblea di Corsica, chì regula per e so deliberazioni l'affari di a Corsica in i numerosi duminii di cumpetenze chì li sò attribuiti da a legge,
- U Cunsigliu Esecutivu di Corsica, chì dirige l'azione di a CdC in tutti i so duminii d'intervenzione,
- U Cunsigliu Economicu, Suciale, Culturale è Ambientale di Corsica, chì hè cunsultatu annantu à a maiò parte di i prughjetti di deliberazione di l'Assemblea di Corsica,
- A Camera di i Territorii, incaricata di cuurdinà l'azione di a CdC, di e cumune è di l'intercumunalità,
- L'Assemblea di a Ghjuventù, cumposta da giovani di 16 à 29 anni chì permette l'espressione di a ghjuventù è a so partecipazione à u prucedu di deliberazione.

Per a messa in opera di e so pulitiche, a CdC dispone, in più di i servizii chì a cumponenu, di nove stabilimenti publichi incaricati di sfarenti settori d'attività. Si tratta di:

- L'Agenzia di Svilupp Economicu di a Corsica (ADEC)
- L'Uffiziu di l'Ambiente di a Corsica (OEC)
- L'Uffiziu di i Trasporti di a Corsica (OTC)
- L'Agenzia di Turisimu di a Corsica (ATC)
- L'Uffiziu di Svilupp Agriculu è Rurale di a Corsica (ODARC)
- L'Uffiziu Idraulicu di a Corsica (OEHC)
- L'Agenzia d'Urbanisimu è d'Energia di a Corsica (AUE)
- L'Uffiziu Fundiaru di a Corsica (OFC)
- I Camini di Ferru di a Corsica (CFC)



U GRAN'PALAZZU



n u 1982, a Regione di Corsica si stalla pruvvisoriamente à a « Villa Pietri », in Aiacciu, è l'Assemblea di Corsica tene e so sessioni à u « Palazzu Lantivy »; in seguitu, decide di affittà è poi d'acquistà u « Grand Hôtel ».

Da u 1992 à u 1996, una prima fasa di stensione hè stata rializata cù, in particolare, a creazione d'un edificiu situatu daretu à l'anticu « Grand Hôtel » è a custruzione d'un emiciclu. Stu novu edificiu accoglie i servizii amministrativi di a Cullettività; quantu à l'edifizii antichi, seranu interamente rimessi in assettu trà u 1996 è u 1999. Abritanu i scagni di i presidenti di l'Assemblea di Corsica è di u Cunsigliu esecutivu di Corsica, l'uffizii di i gruppi pulitichi, a direzione generale di i servizii è parechje sale di riunioni per e cumissioni parlamentarie.



À l'epica d'oru d'Aiacciu cum'è stazione d'invernu, u « Grand Hôtel et Continental » era u palazzu di a cità cù u so magnificu giardinu è u so padiglione balneare. U giardinu hè riccu di storia: classificatu à l'inventariu di i munimenti storici, spezie rimarchevuli (palme Washingtonia è Phoenix, Araucaria, Nolina, Grevillea, Aloès...) urighjinate da u mondu sanu.

Tuttu hè statu fattu per ch'ellu ritrovi a so urganizzazione iniziale, intornu à una prospettiva centrale assai visibile da u Cursu Grandval, cù e so finestre simmetriche successive in meza luna, i so allinamenti di palme è i so ghjochi di terrazze.

A STORIA

1982 : DA U DIRITTU CUMUNU À U PRIMU STATUTU PARTICULARE

9 MARZU 1982

A legge chì stabilisce u statutu particolare di a regione di Corsica hè vutata: principia cù a creazione di l'Assemblea di Corsica.

30 LUGLIU 1982

A legge chì stabilisce u statutu particolare di a Corsica accorda à a Regione cumpetenze assai più larghe chè l'altre Regioni di a metropola.

9 AOSTU 1982

Elezzone regionale (quattru anni prima di tutte l'altre regioni): Prosper ALFONSI hè elettu Presidente di l'Assemblea di Corsica.

AOSTU 1984

Dopu à a dissoluzione di l'Assemblea, nova elezione: Jean-Paul de ROCCA SERRA hè elettu Presidente di l'Assemblea di Corsica.

21 MARZU 1986

Prime elezioni di l'insieme di i Cunsiglii Regionali di Francia, Jean-Paul de ROCCA SERRA hè rielettu Presidente di l'Assemblea di Corsica.

1991

Nascita di a Cullettività Territoriale di Corsica.

13 MAGHJU 1991

E cumpetenze di a CTC sò propiu allargate intornu à dui assi (u sviluppu di l'economia è di u suciale è a prumuzione di l'identità). U funziunamentu à dui capi hè messu in ballu cù a creazione d'un Cunsigliu esecutivu elettu da l'Assemblea di Corsica.

22-29 MARZU 1992

Elezioni: Jean-Paul de ROCCA SERRA hè elettu Presidente di l'Assemblea di Corsica è Jean BAGGIONI hè elettu Presidente di u Cunsigliu Esecutivu di Corsica.

15 ET 22 MARZU 1998

Elezioni: José ROSSI hè elettu Presidente di l'Assemblea di Corsica è Jean BAGGIONI hè rielettu Presidente di u Cunsigliu Esecutivu di Corsica.

07 ET 14 MARZU 1999

Dopu à l'annullazione di l'elezzioni di u 1998, arnuvamentu di l'istanzi di a CTC: José ROSSI è Jean BAGGIONI sò rieletti.

2002 PUTENZE RINFURZATE.

22 GHJENNAGHJU 2002

Una legge rinforza cunsiderèvulamente i puteri di l'Assemblea di Corsica.

21-28 MARZU 2004

Elezioni: Camille de ROCCA SERRA hè elettu Presidente di l'Assemblea di Corsica è Ange SANTINI hè elettu Presidente di u Cunsigliu Esecutivu di Corsica.

14-21 MARZU 2010

Elezioni: Dominique BUCCHINI hè elettu Presidente di l'Assemblea di Corsica è Paul GIACOBBI hè elettu Presidente di u Cunsigliu Esecutivu di Corsica.

6-13 DICEMBRE 2015

Elezioni: Jean-Guy TALAMONI hè elettu Presidente di l'Assemblea di Corsica è Gilles SIMEONI hè elettu Presidente di u Cunsigliu Esecutivu di Corsica.

3-10 DICEMBRE 2017

Elezioni territoriali in anticipu di a creazione di a futura Cullettività di Corsica.

1U GHJENNAGHJU 2018

NASCITA DI A CULLETTIVITÀ DI CORSICA

**Fusione di a CTC è di i dipartimenti di a Corsica
Suprana è di a Corsica Suttana.**

2 GHJENNAGHJU 2018

Jean-Guy TALAMONI hè elettu Presidente di l'Assemblea di Corsica, Gilles SIMEONI hè elettu Presidente di u Cunsigliu Esecutivu di Corsica.

20 ET 27 GHJUGNU 2021

Elezioni: Marie-Antoinette MAUPERTUIS hè eletta Presidente di l'Assemblea di Corsica è Gilles SIMEONI hè rielettu Presidente di u Cunsigliu Esecutivu di Corsica.

E CUMPETENZE DI A CDC

1. L'ACCONCIAMENTU DI U TERRITORIU

L'INFRASTRUTTURE È I TRASPORTI

A CdC stende, mudernizeghja è mantene a reta ferrata isulana (232 km) è a reta stradale (circa 5000 km) per migliurà a sicurezza è riduce i tempi di percorsu.

Hà a cumpetenza per gestisce l'aeroporti d'Ajacciu, Bastia, Calvi è Figari, è i porti d'Ajacciu è di Bastia.

Assistita da l'Uffiziu di i Trasporti, urganizeghja a cunessione di serviziu publicu aereu è marittimu trà a Corsica è u cuntinente.



A PULITICA DI L'ACQUA



A CdC deve mette in opera una gestione equilibrata di e risorse in acqua. Un schema direttore d'accunciamentu è di gestione di l'acque deve esse appruvatu da l'Assemblea di Corsica.

A maestria di l'acqua: a Cullettività di Corsica è l'Uffiziu Idraulicu di a Corsica mettenu in opera un programma d'investimenti per a sfruttera di l'infrastrutture necessarie à a presa, u stoccamentu è u trasferimentu di l'acque: dighe è retenute, canalisazioni, infine a preservamentu di e risorse è di l'ambiente acquaticu.

L'ENERGIA




A CdC elabureghja un programma per sfruttà è valurizà e risorse in energia di a Corsica. E energie rinuvevuli (solare, eoliana, idraulica...) sò una priorità in una prospettiva d'autonomia enegetica.

E TECNOLOGIE DI L'INFURMAZIONE

A CdC s'hè impegnata in una pulitica d'accunciamentu numericu di u territoriu, affinchì tutta a Corsica possa avè accessu à e nove tecnulogie, in particolare e zone rurale.

L'ECCHIPAMENTI CULLETTIVI

A CdC aiuta e cumune à finanzia i so prughjetti d'accunciamentu è d'ecchipamenti di prossimità, di custruzione o di rinnuvamentu di l'edifizii publichi.



L'AIUTU À L'ALLOGGIU



A CdC cuntribuisce à a custruzione di alloggi suciali, à l'ammigliurazione di l'habitat è à a rinnuvazione di alloggi cumunali; pò aiutà à diventà prupietariu. Sostene i prughjetti d'accunciamentu urbanu presentati da e cità d'Aiacciu è di Bastia à u livellu naziunale.



PREVENZIONE È LOTTA CONTR'À L'INCENDII

A CdC gestisce i servizii d'incendiu è di succursu, e squadre di sapeurs forestiers ma ancu a manutenzione di i chjassi di spassighjata.

2. U SETTORE SANITARIU È SUCIALE

In u duminiu sanitariu, per migliurà l'accessu à e cure, a CdC finanzia l'equipamentu di l'uspidali è di e strutture di salute; aiuta à a creazione di case per l'adulescenti.

In u duminiu medico-suciale, a CdC agisce contr'à a povertà, per luttà contr'à l'esclusione è rinfurzà u ligame suciale. Sostene azzioni in direzione di e persone anziane o handicappate.

A CdC interviene in u duminiu di l'aiutu à e persone vulnerèvule o in difficoltà (RSA, azzioni di reinserzione...).



3 . U SVILUPPU ECUNOMICU

L'IMPRESE - L'AZZIONI CULLETTIVE - L'INNUVAZIONE

L'azione ecunomica in Corsica hè diretta da l'Agenzia di Sviluppo Ecunomicu di a Corsica (ADEC), sottu l'egida di a Cullettività di Corsica (CdC). U Schema Regionale di u Sviluppo Ecunomicu, d'Innuvazione è d'Internazionalizzazione (SRDEII), adattatu in u 2016 è rivistu in u 2022, guida sta azione per sustene l'ecunomia lucale. "Ecunomia 2030", elaboratu da l'ADEC, fissa ambizioni nantu à 10 anni per u sviluppu ecunomicu tenendu in contu e sfide lucali è globale di a Corsica. Stu pianu hà per scopu di prumove a pruduzione lucale, un'azione publica ecunomica efficace è intervezioni adattate à i territorii, prumovendu e transizioni suciale, ecologica è numerica, è l'internazionalizzazione. Si cuncentra nantu à quattru sfide: rilancia l'ecunomia, tende versu l'autunomia ecunomica, incuragisce l'innuvazione è prumove l'ugualità professionale.

U TURISIMU

A CdC definisce è mette in opera a pulitica di turisimu in l'isula, cù l'Agenzia di Turisimu di a Corsica (ATC), chì assicura trè missioni principali: a prumuzione di a Corsica, u sviluppu di l'offerta turistica è l'osservazione di u turisimu.

L'AGRICULTURA È A FURESTA

A CdC determina e grandi orientazioni di u sviluppu agriculu, rurale è furestale di l'isula, cusì cum'è di a pesca è di l'acquacultura.

L'Uffiziu di u Sviluppu Agriculu è Rurale di a Corsica (ODARC) coordina e pulitiche è l'insieme di l'azzioni di sviluppu in stu duminu.

L'Uffiziu di l'Ambiente di a Corsica (OEC) mette in opera a pulitica di a CdC in favore di a pesca è di l'acquacultura.

U NAUTISIMU

A Corsica conta 1000 km di coste è 17 porti di piacè, di i quali certi gestiti direttamente da a CdC. U cuntestu ambientale è paesagisticu di a Corsica hè eccezzunale è attira numerosi turisti, sia in terra sia in mare, facendu di a navigazione di piacè un veiculu di scupertu di st'ambiente unicu.

L'OEC hà per ambizione di risponde u megliu pussibile à una dumanda assai impurtante in periodu estivu puru vigilendu à a preservazione di l'ambiente, cù aménagements performanti chì permettenu di cuntrastà certe pratiche attuali, generatrici di danni irreversibili nantu à i mezi naturali.



4. A CULTURA È U PATRIMONIU

A CdC definisce è mette in opera a pulitica culturale in Corsica. Hà un rolu di capufila.

Favurizeghja a furmazione è a sensibilizazione di i publichi, sustene a creazione artistica, aiuta à a diffusione artistica è culturale, è prumove a creazione è a cultura isulana.

A CdC hè incaricata di l'inventariu generale di u patrimoniu di a Corsica, di a cunsirvazione è di a valurizazione di i munimenti storici, di i siti archeologici. Sustene i musei, a ricerca, a cunsirvazione di u patrimoniu è a so accessibilità, a mediazione è a valurizazione di u patrimoniu di i territorii.

Gestisce e bibliuteche di prestu per aiutà a rete di bibliuteche pubbliche, in particolare in zona rurale, per arricchisce l'offerta documentaria.



5. L'EDUCAZIONE È A FURMAZIONE

L'EDUCAZIONE

A CdC elabureghja è stabilisce a carta sculare di l'insignamentu secundariu, è a carta regionale di l'insignamentu superiore. Finanza, custruisce è mantene i cullegi, i licei è l'edifizii di l'Università di Corsica. Aiuta i studenti attraversu u schema regionale di a vita studentina.



A FURMAZIONE

A CdC stabilisce u schema previsionale di e furmazioni è u programma di l'investimenti.

Elabureghja, in cunsultazione cù u Statu, u Pianu di Sviluppu di a Furmazione Professionale di i giovani è di l'adulti è assicura a messa in opera di i programmi d'amparera è di furmazione professionale cuntinua.

L'AZZIONI IN FAVORE DI A GHJUVENTÙ

A CdC tene in contu i bisogni specifici di i giovani in termini di passatempì, cultura, alloghjù o cumunicazione è favurizeghja l'scambii è l'apertura nantu à u mondu. Finanza azzioni destinate à infurmà, orientà è incuragisce i giovani, in i duminii culturale, sportivu, umanitariu, economicu o civicu.

L'AZZIONI IN FAVORE DI U SPORT

A CdC favurizeghja u sviluppu di a pratica sportiva, per mezu di i so aiuti à a realizzazione d'equipamenti sportivi, à e lighe è cumitati regionali, à l'acquistu di materiale sportivu è à l'impiegù.

L'aiutu à a pratica competitiva cuncerna i club chì evolvenu in campionatu nazionale, a furmazione in u sirinu di i club professionali, l'organizzazione di manifestazioni sportive, i spiazamenti fora di Corsica.

6 . LINGUA È CULTURA CORSA

A CdC prumove l'insignamentu di a lingua corsa; l'Assemblea di Corsica hà aduttatu in u 2007 un pianu di sviluppu linguisticu. A Carta di a lingua corsa hà per scopu di rinfurzà l'usu è a visibilità di a lingua corsa in a vita suciale è in l'ispaziu publicu.

L'insignamentu di a lingua è in a lingua (filieri bilingui), durante tutta a scolarità, cuntribuisce à a vulintà di reinstallà u bilinguisimu in modu cuncretu in a sucetà.

U Cunsigliu di a lingua hè un strumentu essenziale à u serviziu di st'ambizione.



7 . L'AMBIENTE

A CdC definisce a pulitica regionale per a prutezzione è a messa in valore di l'ambiente. L'Uffiziu di l'Ambiente di a Corsica (OEC) hà una cumpetenza generale in u duminiu di l'ambiente.

Hè incaricatu d'assicurà a prutezzione è a gestione di l'ispazii è di l'equilibrii naturali, di e spezie vegetali è animali, di i mezi aquatichi è marini, a prevenzione contr'à l'incendii, a lotta contr'à e pulluzione, a messa in valore, l'animazione è a prumuzione di u patrimoniu naturale di a Corsica, cusì cum'è a sensibilizazione è l'educazione à l'ambiente.



I MEZI È STRATEGIA

1. U BUDGETU DI A CdC

Per mette in anda l'inseme di e so pulitiche, a CdC dispone d'un budgettu (1,99 miliardi d'euri per u 2025) di u quale i ricavati pruvenu da imposti, tasse, dotazioni di u Statu è suvenzioni (Statu è Unione europea)...



2. L'ACCUNCIAMENTU DI U TERRITORIU

In u quadru di l'accunciamentu di u territoriu, concurnendu i prughjetti strutturanti, a Cullettività di Corsica (CdC) pò sollicità cuntrattualizzazioni, cum'è u Pianu di Trasformazione è d'Investimentu per a Corsica o u Pianu Statu-Regione.



3. I FONDI EUROPEI

L'Unione europea (UE) pò aiutà a CdC à finanzià i so prughjetti, grazia à quattru fondi: u fondu europeu di sviluppu regionale (FEDER), u fondu suciale europeu+ (FSE+), u fondu europeu agrìculu per u sviluppu rurale (FEADER) è u fondu europeu per l'affare marittime, a pesca è l'acquacultura (FEAMP).



4. A COOPERAZIONE INTERNAZIONALE È DECENTRALIZATA

A Cullettività di Corsica pò cunduce o participà à azzioni di partenariatu cù autorità lucali straniere in settori varii: economicu, culturale, sculare, sportivu, umanitariu.



5. U PIANU D'ACCUNCIAMENTU È DI SVILUPPU DUREVULE DI A CORSICA

U PADDUC definisce una strategia di sviluppu durabile di u territoriu chì garantisce l'equilibriu territoriale fissendu l'ubbiettivi di a prutezzione di l'ambiente di l'isula è di u so sviluppu economicu, suciale, culturale è turisticu.

U 2 d'ottobre 2015, l'Assemblea di Corsica hà appruvatu u PADDUC.

L'Agenzia d'Accunciamentu durevule, d'Urbanisimu è d'Energia di a Corsica hà assicuratu l'elaborazione tecnica di u PADDUC, è porta a so assistenza à e cullettività lucali in materia d'accunciamentu.



L'ASSEMBLEA DI CORSICA

L Cunsiglieri à l'Assemblea di Corsica sò in numaru di 63, eletti per 6 anni è rielettibili.

Sò eletti durante un scrutinu à dui giri, nantu à liste regionali, in u quadru d'una circunscrizione elettorale unica.

Per esse presente à u secondu giru, una lista deve ottene almenu u 7% di i suffragi spressi. E liste chì anu ottenutu più di u 5% à u primu giru ponu fusiunà trà i dui turni. A lista chì ghjunghje in testa à u secondu giru riceve una prima di 11 seggi supplementarii.

U candidatu chì vene nantu à una lista subito dopu à l'ultimu elettu hè chjamatu à rimpiazzà u Cunsiglieru à l'Assemblea di Corsica elettu nantu à sta lista è di u quale u sede diventeria vacante.



A CUMISSIONE PERMANENTE :

(15 membri). Hè presidata da a Presidente di l'Assemblea di Corsica. Hè incaricata d'organizà i travagli di l'Assemblea di Corsica. Dapoi u 2020, pò deliberà per delegazione di l'Assemblea di Corsica nantu à cartulari chì rilevanu di l'attività currente. Dui Vice-Presidenti, eletti da l'Assemblea trà i membri di a Cumissione permanente, assistenu a Presidente in u funziunamentu di l'Assemblea di Corsica è a rimpiazzanu in casu d'assenza.



U FUNZIONAMENTU DI L'ASSEMBLEA DI CORSICA

L'Assemblea di Corsica si riunisce in Aiacciu, capilocu di a Cullettività di Corsica; pò riunisce si, nantu à decisione di a so Cumissione permanente, in ogni altru locu di l'isula.

L'Assemblea di Corsica tene ogni annu duie sessioni ordinarie d'una durata massima di trè mesi. A prima principia u 1u ferraghju, a seconda u 1u settembre, è sessioni straordinarie fora di sti periodi. E sedute sò pubbliche.

Una sessione principia cù e questioni orali: l'eletti, in u quadru di u so putere di cuntrollu, ponenu quistione nantu à i sughjetti ch'elli volenu à u Cunsigliu esecutivu di Corsica.

L'Assemblea delibera (discussioni, emendamenti, voti) nantu à i rapporti pruposti da u Cunsigliu esecutivu di Corsica. E deliberazioni sò prese à a maggioranza di i suffragi spressi.

I consiglieri ponu prupone muziò nantu à i sughjetti ch'elli stimanu impurtanti per a Corsica, o ancu ch'ùn a cuncernanu micca direttamente (esempiu: l'Assemblea di Corsica hà aduttatu una muzione cuncernente u populu Kurdu).

Infine, i consiglieri ponu indirizzà à u Presidente di u Cunsigliu esecutivu di Corsica quistione scritte.

A PRESIDENTE DI L'ASSEMBLEA DI CORSICA



Marie-Antoinette MAUPERTUIS

A Presidente di l'Assemblea di Corsica hè eletta per sei anni trà i Cunsiglieri.


A Presidente fissa e date è l'ordine di u ghjornu di e sedute, dopu à consultazione di i membri di a Cumissione permanente; sparghe l'affari trà e sfarente Cumissioni; dirige i dibattiti di l'Assemblea di Corsica.

.A Presidente hà sola a pulizza di l'Assemblea in l'internu di questa. Cusi cum'è u Cunsigliu esecutivu, pò prupone rapporti trattendu di sughjetti di a so scelta.

A PARITÀ TRA OMI È DONNE :

Dapoi u 2004, a regula di l'ugualità d'accessu di e donne è di l'omi à i mandati elettorali hè applicata durante l'elezzioni à l'Assemblea di Corsica.

E CUMISSIONI DI L'ASSEMBLEA DI CORSICA



E CUMISSIONI ORGANICHE :

Sò designate à a ripresentazione prupurziunale di i gruppi, ognuna cumpone 21 membri (63/3), di i quali un presidente, un vice-presidente è un rapportore.

A Cumissione di e finanze è di a fiscalità

Studia i prughjetti di budgetu, tutte e quistione chì ponu avè una incidenza finanziaria è budgetaria, e quistione fiscali è i programmi cuntrattualizati cù u Statu è l'Unione Europea.

A Cumissione di u sviluppu ecunomicu, di u numericu, di l'accunciamentu di u territoriu è di l'ambiente

Studia i cartulari chì rilevanu di sfarenti settori: ecunomia, agricoltura è sviluppu rurale, turismu, industria, cumerciu è artigianatu, energia, tecnulogie di l'infurmazione, trasporti, urbanisimu, equipamenti cumunali, ambiente.


A Cumissione di l'educazione, di a cultura, di a cuesione suciale è di l'issue sucietale

Studia i rapporti chì cuncernanu l'educazione, l'insignamentu superiore è a ricerca, a furmazione professionale, a cultura, u patrimoniu, a lingua è a cultura corsa, l'audiovisivu, a pulitica di a ghjuventù, i sporti, l'habitat è l'alloghjju, l'azione sanitaria è suciale.

Durante e so riunioni, i cumissarii emettenu tanti parè quanti sò i rapporti esaminati chì saranu presentati davanti à l'Assemblea di Corsica.



E CUMISSIONI DI L'ASSEMBLEA DI CORSICA



L'ALTRE CUMISSIONI CREATE DA L'ASSEMBLEA DI CORSICA :

Sò designate à a ripresentazione prupurziunale di i gruppi, è ognuna hè cumposta da 21 membri (63/3) trà i quali un presidente, unu o parechji vice-presidenti è un rapportidore.

A Cumissione di cuntrollu

Hè incaricata di cuntrollà i stabilimenti publichi, l'agenzie, è ogni altru urganisimu à u quale participa a CdC o ch'ella finanzia.

A Cumissione di e competenze legislative è regulamentarie è per l'evoluzione statutaria di a Corsica

Hà per scopu d'impulsà un novu avvicinamentu di i puteri dedicati à l'Assemblea di Corsica, in materia d'adattamento di e norme naziunali è studia e pussibilità d'evoluzione chì permettenu di migliurà a messa in opera di e competenze di a CdC, ancu d'allargà le.

A Cumissione per e pulitiche di salute

S'occupa di tutte e tematiche sanitarie ligate à l'attualità, soprattuttu per via à un travagliu regulare d'audizione di tutti i prufessionali di a salute è di i diversi settori tocchi.

A Cumissione di l'affari europei è di e rilazione internaziunale è mediterranee

Hè incaricata di sviluppà l'azione di a CdC in materia europea è di cuuperazione.

A Cumissione ad hoc per a pulitica linguistica di a CdC

Hè incaricata di sviluppà l'azione di u raportu d'orientazione vutatu da l'Assemblea di Corsica è di riflette nant'à u statutu di a lingua.



I GRUPPI POLITICI DI L'ASSEMBLEA DI CORSICA

I Cunsiglieri à l'Assemblea di Corsica ponu custituisce si in gruppi. Un gruppu deve esse cumpostu da almenu dui membri. Ogni gruppu riceve i mezi in lochi, materiale è persunale necessari à u so funzionamentu.

L'Assemblea di Corsica conta 5 gruppi pulitichi :

Fà Populu Inseme : (32 membri)

Romain COLONNA (Presidente), Danielle ANTONINI, Véronique ARRIGHI, Jean-Marc BORRI, Paul-Joseph CAITUCOLI, Françoise CAMPANA, Marie-Hélène CASANOVA-SERVAS, Anna Maria COLOMBANI, Frédérique DENSARI, Muriel FAGNI, Petru Antone FILIPPI, Lisa FRANCISCI-PAOLI, Evelyne GALLONI d'ISTRIA, Jean-Charles GIABICONI, Ghjuvan Santu LE MAO, Jean-Jacques LUCCHINI, Don Joseph LUCCIONI, Antonia LUCIANI, Sandra MARCHETTI, Flora MATTEI, Marie-Antoinette MAUPERTUIS, Paula MOSCA, Nadine NIVAGGIONI, Jean-Paul PANZANI, Juliette PONZEVERA, Louis POZZO DI BORGO, Joseph SAVELLI, François SORBA, Elisa TRAMONI, Hervé VALDRIGHI, Hyacinthe VANNI et Alex VINCIGUERRA

Un Soffiu Novu, un Nouveau Souffle pour la Corse : (15 membri)

Jean-Martin MONDOLONI (Presidente), Didier BICCHIERAY, Paule CASANOVA-NICOLAI, Angèle CHIAPPINI, Catherine COGNETTI TURCHINI, Christelle COMBETTE, Santa DUVAL, Pierre GUIDONI, Marie-Thérèse MARIOTTI, Georges MELA, Chantal PEDINIELLI, Marie-Anne PIERI, Jean-Michel SAVELLI, Jean-Louis SEATELLI et Charles VOGLIMACCI.

Avanzemu (7 membri)

Jean-Christophe ANGELINI (Presidente), Vanina BORROMEI, Vanina LE BOMIN, Saveriu LUCIANI, Antoine POLI, Pierre POLI, Julia TIBERI.

Core in Fronte (6 membri)

Paul-Félix BENEDETTI (Presidente), Jean-Baptiste ARENA, Serena BATTESTINI, Marie-Claude BRANCA, Véronique PIETRI, Paul QUASTANA.

Un'Altra Strada (2 membri)

Pierre GHIONGA (Presidente), Charlotte TERRIGHI.

Non Iscritti

Josepha GIACOMETTI PIREDDA



U CUNSIGLIU ESECUTIVU DI CORSICA

U FUNZIONAMENTU DI U CUNSIGLIU ESECUTIVU DI CORSICA :

U Cunsigliu esecutivu di Corsica dirige l'azione di a Cullettività. Appronta è eseguisce l'insieme di e deliberazioni di l'Assemblea di Corsica. Hè cumpostu da 11 membri: un Presidente assistitu da dece Cunsiglieri esecutivi.

L'Assemblea di Corsica prucedu trà i so membri à l'elezzione di u Cunsigliu esecutivu di Corsica è di u so Presidente. Sta elezzione si face à scrutinu di lista maggioritariu senza mudificazione. U Presidente hè u candidatu figurante in capu di a lista eletta.

U PRESIDENTE DI U CUNSIGLIU ESECUTIVU DI CORSICA :



GILLES SIMEONI

PRESIDENTE DI U CUNSIGLIU ESECUTIVU DI CORSICA

U Presidente di u Cunsigliu esecutivu di Corsica ripresenta a CdC in ghjustizia è in tutti l'atti di a vita civile. Hè l'ordinatore di e spese è prescrive l'esecuzione di i ricavati. Hè u capu di i servizii di a Cullettività di Corsica è ne gestisce u patrimoniu. Delega l'eserciziu d'una parte di e so attribuzioni à i Cunsiglieri esecutivi.

U Presidente di u Cunsigliu esecutivu di Corsica pò fà à u Primu ministru ogni suggerimentu o rimarca annantu à l'organizzazione è u funzionamentu di i servizii pubblici di u Statu in Corsica.

Ogni annu, u Presidente rende contu à l'Assemblea di Corsica, per mezu d'un raportu speciale, di a situazione di a Cullettività di Corsica. U Presidente è i Cunsiglieri esecutivi anu accessu à e sedute di l'Assemblea di Corsica. Sò intesi, à a so dumanda, annantu à e quistione inscrite à l'ordine di u ghjornu.

Dodici ghjorni nanzu a riunione di l'Assemblea di Corsica, u Presidente di u Cunsigliu esecutivu trasmette à a Presidente di l'Assemblea un raportu annantu à ognuna di l'affari chì devenu esse esaminate è i prughjetti di deliberazione currispundenti. L'ordine di u ghjornu di l'affari di l'Assemblea hè fissatu da u Presidente di u Cunsigliu esecutivu in l'ordine è secondu a priorità ch'ellu definisce.

A MUZIONE DI SFIDUCIA :

L'Assemblea di Corsica pò mette in causa a rispunsabilità di u Cunsigliu esecutivu per mezu di u votu d'una muzione di sfiducia; sta muzione deve esse aduttata à a maggioranza assoluta di l'inscritti è mintuvà in più l'esposizione di i motivi è a lista di i nomi di i candidati à i mandati di Presidente è di Cunsiglieri esecutivi chjamati à succede li.

**BIANCA FAZI**

Cunsigliera esecutiva in carica di u suciali è di a saluta.

**GUY ARMANET**

Presidente di l'Uffiziu di l'ambiente di a Corsica.

**LAUDA GUIDICELLI-SBRAGGIA**

Cunsigliera esecutiva in carica di a ghjuventù, di a parità donna è omi, di l'innuvazione suciale, di u svantaghju, di a solidarietà internaziunale è di l'Educazione, di a furmazione professionale, di l'amparera, di l'orientazione, di l'insignamentu superiore, di a ricerca, di a vita studentina, è l'innuvazione scentifica.

Presidente di a casa di e persone svantaghjate di Corsica

**JULIEN PAOLINI**

Cunsigliu esecutivu in carica di l'assestu di u territoriu, di l'energia, di l'alloghju, di i boschi è fureste.

Presidente di l'Agenza d'acconciu durevule, d'urbanisimu è d'energia di a Corsica.

**ANGÈLE BASTIANI**

Presidente di l'Agenza di u turisimu di a Corsica

**GILLES GIOVANNANGELI**

Cunsigliu esecutivu in carica di u sviluppu economicu, di u bugettu è di e finanze.

Presidente di l'Agenza di sviluppu economicu di a Corsica

**DOMINIQUE LIVRELLI**

Presidente di l'Uffiziu di sviluppu agriculu è rurale di Corsica.

**ANNE-LAURE SANTUCCI**

Cunsigliera esecutiva in carica di a cultura, di u patrimoniu è di u mecenatu, di l'audiovisivu, di a vita associativa è di u sport.

**JEAN-FÉLIX ACQUAVIVA**

Cunsigliu esecutivu in carica di i trasporti, di l'infrastrutture purtuarie è aerupurtuarie.

Presidente di l'Uffiziu di i trasporti di a Corsica.

**VANNINA CHIARELLI-LUZI**

Cunsigliera esecutiva in carica di a pulitica di l'acqua.

Presidente di l'Uffiziu d'ecchippamentu idrolicu di Corsica.

A CUMPUISIZIONE DI U CUNSIGLIU ESECUTIVU DI CORSICA

U CUNSIGLIU ECUNOMICU, SUCIALE, CULTURALE È AMBIENTALE DI CORSICA



MARIE-JEANNE NICOLI
A PRESIDENTE DI U CESEC

U Cunsigliu ecunomicu, suciale, culturale è ambientale di Corsica (CESEC) hè un organu consultativu di a Cullettività di Corsica.

U CESEC hè cunsultatu, obbligatoriamente è in anticipu, annantu à tutti i prughjetti di deliberazione chì cuncernanu l'azione culturale è educativa, in particolare per a salvezza è a diffusione di a lingua è di a cultura corsa.

Hè cunsultatu durante a preparazione di u PADDUC è annantu à i prughjetti di deliberazione relativi à i trasporti, annantu à ogni studiu regiunale d'accunciamentu è d'urbanisimu, annantu à a preparazione di u pianu naziunale in Corsica è annantu à l'orientazioni generali di u prughjettu di budgetu di a Cullettività di Corsica.

U CESEC hè cunsultatu annantu à a carta sculare di l'istituzioni d'insignamentu di u secondu gradu, annantu à a carta di e furmazioni superiori è di l'attività di ricerca universitaria, cusì cum'è annantu à l'attività educative complementarie ch'organizeghja a CdC.

I parè di u cunsigliu sò resi in seduta plenaria.

À l'iniziativa di u Presidente di u Cunsigliu esecutivu di Corsica o di a Presidente di l'Assemblea di Corsica, u CESEC pò esse aditatu di dumande di parè è di studii. Pò, in più, di a so propria iniziativa, emette parè annantu à ogni quistione chì interessa l'avvene ecunomicu, suciale o culturale di a Corsica, l'educazione o u quadru di vita, cusì cum'è annantu à l'azione è i prughjetti di a CdC è di e so agenzie è uffizii in sti duminii.

Cunsultatu annantu à ogni prughjettu di cunvenzioni lucali audiovisive, u CESEC stabilisce un raportu annuale annantu à l'attività di e sucietà pubbliche di u settore audiovisivu ch'anu stabilimenti in Corsica.

U CESEC si cumpone di 63 membri ripartiti in 3 sezioni, designati per 6 anni:

- A sezione di u sviluppu ecunomicu è suciale di a pruspettiva (29 membri),
- A sezione di a cultura, di a lingua corsa è di l'educazione (17 membri),
- A sezione di l'ambiente è di u quadru di vita (17 membri).

U CESEC eleghe in u so senu u so Presidente o a so Presidente è i membri di u so uffiziu.

A CAMERA DI I TERRITORII

A Camera di i Territorii hà per missione primaria di favurizà a coordinazione è a messa in opera di pulitiche di solidarietà è di prussimità cù e comune è l'intercumunalità di l'isula

Hè un'istanza consultativa à l'instar di u CESEC, chì si riunisce in Bastia è hè presieduta da u Presidente di u Cunsigliu Esecutivu di Corsica. Hè cumposta da :

- A presidente di l'Assemblea di Corsica
- Un ripresentante di u Cumitatu di Massicciu Corsica
- Un ripresentante di u Cumitatu di Bacinu di Corsica
- Sei ripresentanti di e Cumunità d'agglomerazione
- Trentaquattru ripresentanti di e cumunità di comune

St'istanza di i territorii hè stata creata per megliu coordinà l'eserciziu di e competenze rispettive di a Cullettività di Corsica è di l'istanze di prussimità (intercumunalità è comune) in materia d'azione pubblica è di solidarietà finanziaria.

L'ASSEMBLEA DI A GIUVENTÙ



A PRESIDENTE

E I VICI-PRESIDENTI DI L'ASSEMBLEA DI A GIUVENTÙ

U 28 luglio 2016, l'Assemblea di Corsica hà decisu di creà l'Assemblea di a Ghjuventù.

Questa istituzione conta 62 membri di età trà 16 è 29 anni è hè presieduta da a Presidente di l'Assemblea di Corsica.

Hè cumposta da 4 collegghi:

- 15 studenti di l'Università di Corsica, designati da i sindacati studenti
- 7 giovani attivi, designati da i sindacati professionali
- 9 liceani, designati in u sirinatu di u cunsigliu accademicu di a vita liceana
- 31 candidati designati da una ghjuria d'eletti di l'Assemblea di Corsica, presieduta da a Presidente di l'Assemblea di Corsica

L'Assemblea di a Ghjuventù pò trattà di tutte e quistione chì cuncernanu a Corsica è pò esse sollicitata da a Presidente di l'Assemblea di Corsica è u Presidente di u Cunsigliu esecutivu di Corsica annantu à tutti i prughjetti cundutti da a Cullettività di Corsica.

I membri di l'Assemblea di a Guventù ponu pone quistione orali o scritte à a Presidente di l'Assemblea di Corsica o à u Presidente di u Cunsigliu Esecutivu di Corsica è ponu aduttà muzioni o voti, trasmessi in seguitu à l'Assemblea di Corsica.

LE COMITÉ D'ÉVALUATION U CUMITATU DI VALUTAZIONE DI E PULITICHE PÙBLICHE

Cumpletamente riformatu in u 2021, u novu Cumitatu di e Pulitiche Pùbliche cumpone 51 membri trà i quali, per a prima volta, cittadini tirati à sorte. A mudernizazione di l'istituzioni, u rinforzamentu di a trasparenza è l'implicazione di i cittadini anu guidatu l'approcciu di l'Assemblea di Corsica.

MISSIONI È FUNZIONAMENTU

U Cumitatu di Valutazione di e Pulitiche Pùbliche hè incaricatu di valutà e principali pulitiche pùbliche di a Cullettività di Corsica secondu una lista prioritaria ch'ellu averà stabilitu. In a so missione, beneficia in particolare di l'assistenza di i servizii di u Cunsigliu Esecutivu di Corsica.

Cù a so nova cumpusizione, hà a vocazione d'assicurà una più grande apertura versu a sucetà, implicendu i cittadini cum'è l'attori ecunomici, suciali è culturali in a valutazione di e pulitiche di a Cullettività di Corsica.



MARIE-FRANCE BERENI-CANAZZI,
PRESIDENTE DI U CUMITATU DI
VALUTAZIONE DI E PULITICHE PÙBLICHE

I MEMBRI

Cusì, per sottumette e principali pulitiche pùbliche di a Cullettività à una valutazione muderna, u cumitatu di valutazione accordeghja più seggi à i movimenti associativi (cullittivi cittadini, associazioni ambientali è culturali). In u stessu spirit, a Presidenza di u cumitatu hè stata cunfidata à una persunalità esterna, micca eletta à a Cullettività di Corsica, ciò chì custituisce una garanzia d'indipendenza.

A Presidente, Marie-France Bereni-Canazzi, hè stata eletta durante a seduta di stallazione di u Cumitatu di Valutazione di e Pulitiche Pùbliche, u 20 ghjennaghju 2021.

U LESSICU

AMENDAMENTU

Hè una mudificazione appurtata à un prughjettu di deliberazione presentatu davanti à l'Assemblea di Corsica (esercitendu stu dirittu d'amendamentu, i cunsiglieri ponu dumandà mudificazioni à e deliberazioni chì li sò pruposte).

SCAGNU

Hè a squadra à u serviziu di u Presidente o di a Presidente chì l'assiste in e so decisioni cutidiane. A CdC conta dui presidenti: u Presidente di l'Assemblea di Corsica è u Presidente di u Cunsigliu Esecutivu di Corsica; ognunu dispone di u so scagnu.

CARTA SCULARE

Hè un sistema d'affettazione di l'eletti in una scola, un cullegiu o un liceu publicu in funzione di u so dumaticiliu.

CUMISSIONI

I cunsiglieri à l'Assemblea di Corsica sò sparti in parechje cumissioni; si tratta di gruppi di travagliu specializzati annantu à una o parechje competenze chì studianu i raporti, nanzu ch'elli ùn sianu presentati davanti à l'Assemblea di Corsica.

CUMISSIONE PERMANENTE

Hè incaricata d'organizà i travagli è i dibattiti di l'Assemblea di Corsica ma ancu di deliberà annantu à i raporti di gestione ordinaria per delegazione di l'Assemblea. Hè presidata da a Presidente di l'Assemblea di Corsica.

CUNTINUITÀ TERRITORIALE

Stu dispositivu chì hà per scopu di riduce e cunstrizioni di l'insularità (ligate à a rumpitura geugrafica trà a Corsica è u cuntinente), hè statu messu in opera per e cunessione marittime è aeree. L'organizzazione è l'attribuzione di u serviziu publicu di i trasporti trà a Corsica è u cuntinente sò assicurate da l'OTC. A Corsica hè l'unica isula mediterranea à beneficià ne.

DELIBERAZIONI

Sò e decisioni prese da l'Assemblea di Corsica, chì deve sprime un votu per ogni raportu sottumessu à u so esame.

DISCUSSIONE GENERALE

Hè l'insieme di i dibattiti publichi chì anu locu intornu à un raportu presentatu à l'Assemblea di Corsica nanzu à u so votu.

DIREZIONE GENERALE

U direttore generale di i servizii hè u capu di l'amministrazione. Assicura a coordinazione di i servizii per mette in opera e decisioni di l'eletti. Hè assistitu da direttori generali aghjunti.

GRUPPU PULITICU

L'eletti si riuniscenu, per affinità pulitica, in gruppi chì disponenu di mezi finanziariii è umani per esercità e so attività istituzziunali.

EMICICLU

Hè a sala in a quale si tenenu nuralmente e sessioni di l'Assemblea di Corsica.

MAGGIURITÀ

Durante un votu, si dice chì ci hè maggioranza relativa quandu u numeru di voti ghjuntu hè superiore à quellu di i cuncurrenti. Si dice ch'ellu ci hè maggioranza assoluta si u numeru di voti hè uguale à a mità di i voti più 1.

MUZIONI

I cunsiglieri à l'Assemblea di Corsica ponu depone un testu per sprime a so opinione annantu à tutti i sughjetti, ancu s'elli ùn facenu micca parte di e competenze di a CdC.

ORDINE DI U GHJORNU

Hè a lista di i sughjetti chì i cunsiglieri à l'Assemblea di Corsica duveranu esaminà durante ogni seduta.

QUISTIONE ORALI

I cunsiglieri à l'Assemblea di Corsica ponu pone quistione orali à i membri di u Cunsigliu Esecutivu, annantu à u sughjettu ch'elli volenu. Devenu rimette sta quistione nanzu à a seduta, leghje la davanti à l'Assemblea di Corsica è u cunsiglieru esecutivu incarcatu di u cartulari cuncernatu risponde.

SCHEMA DIRETTORE

Hè un documentu chì definisce e priorità è l'azzioni da mette in opera in un duminiu precisu, per un periudu più o menu longu (schema direttore di e strade).

SEDUTA

L'Assemblea di Corsica hè in seduta quandu si riunisce per deliberà annantu à i cartulari chì li sò presentati, o per dibatte annantu à ogni sughjettu d'attualità chì cuncerna a Corsica. In generale, a seduta hà locu a 4a settimana di ogni mese (eccettu in aostu).

SECRETARIATU GENERALE

Hè u serviziu chì hè incaricatu d'assicurà u bon funziunamentu è a regularità di l'azzione di l'Assemblea di Corsica.

SESSIONE

Hè u periudu durante u quale l'Assemblea di Corsica pò sede. L'Assemblea cunosce 2 sessioni ordinarie di 3 mesi, chì si aprenu u 1u ferraghju è u 1u settembre. Fora di sti periodi, pò riunisce si in sessione straordinaria per una durata chì ùn pò eccede 2 ghjorni.

SERVIZI DI A CdC

Un serviziu hè l'insieme di l'agenti di a CdC chì travaglianu in un stessu duminiu (servizii di e strade, serviziu di a ghjuventù è di i sporti...).

PER SAPÈNE DI PIÙ...

- Assemblea di Corsica : www.isula.corsica/assemblea/
- Cullettività di Corsica : www.isula.corsica
- Assemblea di i Zitelli : www.isula.corsica/azitelli/
- ADEC : www.adec.corsica
- ODARC : www.odarc.corsica
- ATC : www.visit-corsica.com
- OEC : www.oec.corsica
- OTC : www.otc.corsica
- AUE: www.aue.corsica
- OEHC : www.oehc.corsica
- OFC : www.isula.corsica/ofc/
- Patrimoniu : www.isula.corsica/patrimoine/
- Cultura : www.isula.corsica/culture/
-

